



佛說齋經

吳月氏國居士支謙譯

止

聞如是一時佛在舍衛城東丞相家
 殿丞相母名維耶早起沐浴着綵衣
 與諸子婦俱出稽首佛足一面坐佛
 問維耶沐浴何早對曰欲與諸婦俱
 受齋戒佛言齋有三輩樂何等齋維
 耶長跪言願聞何謂三齋佛言一為
 牧牛齋二為尼捷齋三為佛法齋牧
 牛齋者如牧牛人求善水草飲食其
 牛暮歸思念何野有豐饒須天明當
 復往若族姓男女已受齋戒意在家
 居利欲產業及念美飲食育養身者
 是為如彼牧牛人意不得大福非大
 明尼捷齋者當月十五日齋之時伏
 地受齋戒為十由延內諸神拜言我
 今日齋不敢為惡不名有家彼我无
 親妻子奴婢非是我有我非其主然
 其學貴文賤質無有正心至到明日
 相名有如故事齋如彼者不得大福
 非大明佛法齋者道弟子月六齋之
 日受八戒何謂八

第一戒者盡一日一夜持心如真人
 無有殺意慈念眾生不得賊害蠕動
 之類不加刀杖念欲安利莫復為殺
 如清淨戒以一心習

第二戒者盡一日一夜持心如真人
 無貪取意思念布施當歡喜與自手
 潔淨與恭敬與不望與却慳貪意如
 清淨戒以一心習

第三戒者一日一夜持心如真人無
 婬意不念房室修治梵行不為邪欲
 心不貪色如清淨戒以一心習

第四戒者一日一夜持心如真人無
 妄語意思念至誠安定徐言不為偽
 詐心口相應如清淨戒以一心習

第五戒者一日一夜持心如真人不
 飲酒不醉不迷亂不失志去放逸意
 如清淨戒以一心習

第六戒者一日一夜持心如真人無
 求安意不着華香不傅脂粉不為歌
 儻倡樂如清淨戒以一心習

第七戒者一日一夜持心如真人無
 求安意不卧好牀卑牀草席捐除睡
 卧思念經道如清淨戒以一心習

第八戒者一日一夜持心如真人奉法時食少節身過日中後不復食如清淨戒以一心習

佛告維耶受齋之日當習五念何謂五

一當念佛佛為如來為至真為等正覺為明行足為善逝世間父無上士經法御天人師號曰佛是念佛者愚癡惡意怒習悉除善心自生思樂佛業辟如以麻油澡豆沐頭垢濁得除齋念佛者其淨如是眾人見之莫不好信

二當念法佛所說法三十七品具足不謬思念勿忘當知此法為世間明是念法者愚癡惡意怒習悉除善心自生用樂法業辟如以麻油澡豆浴身垢濁得除齋念法者其淨如是眾人見之莫不好信

三當念眾恭敬親附依受慧教佛弟子眾有得遊講受遊講證者有得頻來受頻來證者有得不還受不還證者有得應真受應真證者是為四雙之八輩丈夫皆為戒成定成慧成解

成度知見成為聖德為行具當為又手天上天下尊者福田是念眾愚癡惡意怒習悉除善心自生樂眾之業辟如以淳灰浪衣垢汗得除齋念眾者其德如是眾人見之莫不好信

四者念戒身受佛戒一心奉持不虧不犯不動不忘善立慎護為慧者舉後無所悔不以有望能等教人是念戒者愚癡惡意怒習悉除善心自生樂戒統業如鏡之磨垢除盛明齋念戒者其淨如是眾人見之莫不好信

五當念天第一四天王第二忉利天鹽天兜術天不憍樂天化應聲天當自念我以有信有戒有聞有施有智至身死時精神上天願不失信戒聞施智是念天者愚癡惡意怒習悉除善心自生樂天統業辟如寶珠常治清明齋念天者其淨如是奉持八戒習五思念為佛法齋與天參德滅惡興善後生天上終得泥洹是以智者自力行出心作福

如是維耶齋之福祐明譽廣遠辟是天下十六大國是十六國滿中眾寶

不可稱數不如一日受佛法齋如此其福者則十六國為一豆耳天上廣遠不可稱說當今人間五十歲為第一天上一日一夜第一四天上壽五百歲彼當人間九百萬歲佛法齋者得生此天上人間百歲為忉利天上

一日一夜忉利天壽千歲當人間三千六百萬歲人間二百歲為鹽天上

一日一夜鹽天壽二千歲當人間一億五千二百萬歲人間四百歲為兜術天上

一日一夜兜術天壽四千歲當人間六億八百萬歲人間八百歲為不憍樂天上

一日一夜不憍樂天壽八千歲當人間二十三億四千萬歲人間千六百歲為化應聲天上

一日一夜化應聲天壽萬六千歲當人間九十二億一千六百萬歲若人有信有戒有聞有施有智奉佛法齋當命盡時其人精神皆生此六天上安隱快樂猶善眾多我少說耳凡人行善魂神上天受福無量維耶聞佛語歡喜言善哉善哉世尊齋之福德甚快無量願受佛戒從今已後月月六齋

佛說齋經
第六卷
七卷
竭力作福至死佛說經已皆歡喜
受教

佛說齋經

佛說齋經

校勘記

- 一 底本，金藏廣勝寺本。
- 一 一四五頁中二行譯者，石作「宋居士沮渠京聲譯」；石、晉、南作「吳黃武年優婆塞支謙譯」；徑、清作「吳優婆塞支謙譯」。
- 一 一四五頁中一〇行「飲食」，石、晉、南、徑、清、麗作「飲飼」。
- 一 一四五頁中一三行第一三字「身」，石作「子」。
- 一 一四五頁下一行第一〇字「持」，石、晉、南、徑、清作「時」。
- 一 一四五頁下三行「刀杖」，南作「刀殺」。
- 一 一四五頁下六行「自手」，石、石、晉、南、徑、清、麗作「自手與」。
- 一 一四六頁上六行第一二字「爲」，石無。
- 一 一四六頁上一六行末字「浴」，石無。

- 一 一四六頁上二〇行「遶講受遶講」，石、晉、南、徑、清、麗作「溝港受溝港」。
- 一 一四六頁上末行「戒成」，石作「戒成之」。
- 一 一四六頁中一行末字「义」，石作「人」。
- 一 一四六頁中六行「身受佛戒」，石無。
- 一 一四六頁下一三行「驕樂」，石、晉、南、徑、清作「憍樂」。同行「驕憍」，石、麗作「驕樂」；石、晉、南、徑、清作「憍樂」。
- 一 一四六頁下一六行第六字「聲」，石、石、晉、南、徑、清無。
- 一 一四七頁上末行「佛說齋經」，石作「佛說齋經一卷」。